

Мукофотлаш учун ҳеч нарса тополмаганда дую қилиш



10:11 / 25.12.2018 3144

????? ??????? ??????? ?????? ??????: ??????
????????????????? ??????: ??? ??????? ??????
??????? ?????????????? ???????????? ????????. ??????:
«????? ??? ??????????? ?????? ?????? ????????
??????????????? ???????????? ????».

Анас розияллоху анхудан ривоят қилинади:

«Мұхожирлар:

«Эй Аллоҳнинг Расули! Ансорийлар ажр-савобнинг ҳаммасини олиб кетишиди», дейишиди.

«Йўқ, ундаи эмас. Сиз уларнинг ҳаққига дуо қилиб турсангиз ва уларга мақтов айтиб турсангиз, ундаи бўлмайди», дедилар».

Ансорийлар мұхожирларга инсоният тарихида мисли кўрилмаган яхшилик қилишиди. Ҳижрат қилиб келганларида уларни очиқ қалб билан кутиб олдилар, уй-жой, озиқ-овқат, кийим-кечак билан таъминладилар.

Ансорийлар мұхожирларнинг барча эҳтиёжларидан хабар олиб туришган, уларга уйларининг ярмини бўлиб беришган. Ҳатто баъзи ансорийларнинг иккита хотини бўлса, «Эй биродар, хотинларимдан бирини танла, мен талоқ қиласай, сен унга уйлангин», дейилган ҳолатлар ҳам бўлган.

Инсоният тарихида ҳеч бир қавм ансорийлар мұхожирларга қилган яхшиликни қилмаган. Ана шундай улуғ амалларни қилган ансорийларни кўриб, мұхожирлар «Ансорийлар ажр-савобнинг ҳаммасини олиб кетишиди», деган фикрга боришган ва буни Расулуллоҳ соллаллоҳу алайҳи васалламга изҳор қилишган.

Шунда Набий соллаллоҳу алайҳи васаллам:

«Йўқ, ундаи эмас. Сиз уларнинг ҳаққига дуо қилиб турсангиз ва уларга мақтов айтиб турсангиз, ундаи бўлмайди», деб жавоб берганлар.

Шунинг учун бирор яхшилик қилса, ҳеч бўлмагандан унинг ҳаққига дуо қилган одам ҳам савоб олар экан. Бу нарса Ислом маданиятининг намуналаридан биридир. Чунки одамларга шукр қилмаган одам Аллоҳ таолога ҳам шукр қилмайди. Бу амал жамият аъзолари ўртасидаги ўзаро алоқаларнинг мустаҳкамланишига ҳам омил бўлади.

«Одблар хазинаси»дан